



Broj: 22-04-44-1-161/18  
Sarajevo, 11.06.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 08.06.2018. do 07:00 sati 11.06.2018. godine**

Dana, 09.06.2018.godine, u 13:00 sati Kantonalni operativni centar civilne zaštite primio je poziv od strane maloljetne muške osobe da se sa još jednim maloljetnom osobom izgubio u šumi na lokalitetu Trebevića. O dojavi su odmah obavješteni direktor Kantonalne uprave civilne zaštite Kantona Sarajevo i njegov pomoćnik za mjere zaštite i spašavanja. Po naredbi direktora Kantonalne uprave civilne zaštite Kantona Sarajevo angažovana je naša Gorska službe spašavanja čiji su pripadnici odmah stupili u kontakt sa izgubljenim osobama i izašli na teren. Na Trebević je također, izašao i pomoćnik dir.za mjere zaštite i spašavanja Kantonalne uprave civilne zaštite Kantona Sarajevo. Brzom intervencijom pripadnika naše Gorska službe spašavanja izgubljene osobe su pronađene i bez povreda provedene na sigurno.

U izvještajnom periodu Kantonalni operativni centar civilne zaštite primio četiri informacije o pronalasku NUS-a i to:

- dana, 08.06.2018. godine u 11:30 sati od Policijske stanice Centar, da je u u ulici Budakovići br. 28. pronađeno pet ručnih bombi,
- dana, 09.06.2018. godine u 18:30 sati od Policijske stanice Trnovo, da je u naselju Presnica pronađena jedna ručna bomba,
- dana, 10.06.2018. godine u 12:35 sati od Policijske stanice Novo Sarajevo, da se u njihovim prostorijama nalazi jedna ručna bomba,
- dana, 10.06.2018. godine u 17:35 sati od Policijske stanice Stari Grad da je krugu groblja „Ravne Bakije“ pronađen jedan nepoznat NUS.

O primljenim informacijama obaviješteni su pripadnici Tima za UES Federalne uprave civilne zaštite, koji su navedena NUS-a iz ul. Budakovići br. 28. i sa groblja „Ravne Bakije“ ukonuli isti dana, dok će preostala navedena NUS-a biti uklonjeni u toku današnjeg dana.

**Profesionalna vatrogasna jedinica Kantonalne uprave civilne zaštite Kantona Sarajevo:** U izvještajnom periodu pripadnici Profesionalne vatrogasne jedinice imali su osam manjih intervencija i to: tri intervencije na gašenju zapaljenog kontejnera, jednu intervenciju na gašenju zapaljenog automobila, jednu intervenciju na gašenju zapaljenog sijena, dva obezbijeđenja fudbalskih utakmica i jedno obezbijeđenje pretakanja goriva na aerodromu.

Napomena: U protekla 24 sata pripadnici Profesionalne vatrogasne jedinice imali su tri manje intervencije, dvije na gašenju zapaljenog smeća u kontejneru i jednu na gašenju zapaljenog automobila.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene druge relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 15°C, vlažnost zraka 90% a, barometarski pritisak 937 hPa.

**BIHAMK:** Saobraćaj se na području Kantona Sarajevo odvija uredno, osim na dionicama gdje se izvode radovi i na kojima se saobraćaj odvija po posebnom režimu.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Premijeru Kantona Sarajevo
- Direktor<sup>u</sup> KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, + 387 (0) 33 556-670; Fax: + 387 (0) 33 566-671  
Sarajevo, Reisa Džemaludina Čauševića 1